



Wie die boten ze **R**ine quamen.

XXIV. Auentiure.

Die boten dannen foren. ober Hynin lant.
 wo den Burgonden. dar waren si gesant.
 nach drin edeln kunigen. vnt ovch nach ir man.
 die solden chomen Ezelen. des man gahen do began.

Hinze Bechelaren. chomen si geriten.
da diene man in gerne. daz wart niht vermiten.
sin dienst enbot do Kudeger. vnt oveh Gotelint.
bi in hin ze Rine. vnt oveh des marcraven kint.

Sine liezens ane gabe. von in niht scheiden dan.
daz deste baz gefveren. die Ezenen man.
Vten vnt ir kinden. enbot do Kudeger.
sine heten in so wäge. deheinen marcraven mer.

Si enboten oveh Bronhilde. dienste vnt got.
triwe unt minne. vnt willigen mvot.
do si die rede gehorte. die boten mvsin varn.
si bat diu marcgrauinne. got von himele bewarn.

E daz die boten chomen. vol durch Bajerlant.
Wärbel der vil snelle. den guten bisschhof vant.
waz der do sinen frivnden. hinze Rine enbot.
daz ist mir vngewizzen. niwan sin golt also rot.

Daz gab er in zeminne. riten er si lie.
do sprach der bisschhof Pilgerim. solde ich si sehen hie.
mir wäre wol zemvote. die swester sone min.
ich mach leider selten. wo zin chomen an den Rin.

Welhe wege si fveren. ze Rine durch diu lant.
des enchan ich niht bescheiden. ir golt vnt ir gewant.
daz ennam in niemen. man vorht ir herren haz.
Ezel was vil gewaltich. man erchande in allen landen daz.

Inre tagen zehenen. si chomen an den Rin.
ze Wormze zw der veste. Wärbel vnt Swämmelin.
do sagte man diu märe. den konigen vnt ir man.
da chömen boten vrende. Gunther vragen do began.

Do sprach der vogt von Rine. wer twot uns bechant.
von disen vrenden rechen. die choment indaz lant.
daz enwesse nieman. vnze si gefach.
Hagene der chvne. der helt zu Gunthere sprach.

Als choment niwe märe. des wil ich iv veriehn.
die Ezeln videläre. die han ich hie gefehn.
si hat iwer swester. gesendet an den Kin.
durch die Ezelen liebe. si soln uns willechomen sin.

Si riten vil bereite. fwer den palas dan.
ez geforen herrenlicher. nie forsten spileman.
des chuniges ingefinde. enpfie si sa zehant.
ir ros man herbergen. vnt hiez behalten ir gewant.

Ir reisfchleider waren. rich vnt so getan.
daz si mit eren mohten. for den kunic gan.
der enwolden si niht mere. da zehove tragn.
obf iemen nemen wolde. die boten hiezen daz sagn.

In der selben mase. man ovch lote vant.
die ez vil gerne namen. den wart ez gefant.
do leiten an die geste. verre richer wat.
als ez boten kuniges. zetragen herlichen stat.

Do gie mit verlobbe. da der kunic saz.
daz Ezelen gefinde. vil gerne sah man daz.
Hagene von den sedele. gein den boten spranch.
vnt lief in engegene. des sagten im die chnappen danch.

Durch div chvnden märe. vragen er began.
wie sich gehabte Ezelen. vnt ovch sine man.
do sprach der videläre. daz lant gestvnt nie baz.
noch wrden vro die lote. ich sag iv endeckliche daz.

Er brahtes zu den wirt, der palas der was vol.
do enpfie man die geste, so man von rehte sol.
minnechliche groezen, in ander kunige lant.
Swämmil vil der degene, da bi Gunthere vant.

Der chunic gezogenliche, groezen si began.
sit willechomen beide, ir Ezelen spileman.
vnt iwer hergesellen, hat ioch her gesant.
der kunic von den Hunin, zu der Burgonden lant.

Mit zuht si nigen beide, do sprach Wärbelin.
ir enbietet sinen dienest, der liebe herre min.
vnt Chriemhilt iwer swester, her indizze lant.
si habent uns ir heleden, ingroezen triwen her gesant.

Do sprach der forste riche, der märe bin ich vro.
wie gehabt sich Ezele, so sprach der chunic do.
vnt Chriemhilt min swester, vzer Hunen lant.
do sprach der videläre, dir märe tvn ich ir bechant.

Sich habten chunige, ir solt wol wizen daz.
indeheimem lande, vrolicher noch baz.
vnt allez ir gedigene, die mage vnt och ir man.
si freuten sich der reise, do wir schieden von in dan.

Gnade siner dienste, die er mir enboten hat.
vnt och miner swester, mir ist liep daz also stat.
daz si so lebnt mit vreden, der chunic vnt sine man.
wande ich doch der märe, gevraget sorgende han.

Die zwene iungen chunige, waren och nu chomen.
wande si dir märe, heten erst vernomen.
durch ir swester liebe, die boten gerne sach.
Eiselherr der ionge, der zu sin gvetlichen sprach.

Ir boten soldet groze. vns willechomen sin.
ob ir dicker woldet. zvnf riten an den Rin.
ich wän ir frionde fondet. die ir gerne möhtet sehen.
iv solde von vns degenen. wzzil leides geschehn.

Wir getrowen iv aller eren. sprach do Swämmelin.
ine chond iv niht bewären. mit den sinnen min.
wie minneklich iv Ezele. her enboten hat.
vnt iwer edeliv swester. der dinch inhoher würde stat.

Gnade vnt triwe. mant ivch des kuniges wip.
vnt daz ir ie was wäge. iwer herce vnt iwer lip.
vnt zevorderst dem kunige. sin wir her gesant.
daz ir gerochet riten. wo zin inder Hvinin lant.

Ez sol och mit iv riten. der herre Gernot.
Ezele der riche. iv allen daz enbot.
ob ir ivch iwer swester. niht sehn woldet lan.
so wolde er gerne wizen. was er iv rechen hete getan.

Daz ir also vrendet. in vnt siniv lant.
ob iv diu kuniginne. wäre nie bechant.
so möht er doch verdienen. daz in ir rochet sehn.
swenne daz geschehe. so wär im liebe geschehn.

*Do sprach der chvnech Gvnter ober dise siben naht.
so chvend ich diu märe wef ich mich han bedaht.
mit den minen frivnden di wile solt ir gan.
in iwer herberge vnt svelt vil gvote rve han.

Do sprach aber Wärbelin vnt moecht daz geschehen.
daz wir mine frowen. chonden e' gesehen.
Vten di vil richen e' wir schveffen vns gemach.
Gisfelher der edele do vil zehtechlichen sprach.

Daz sol in niemen wenden welt ir fuer si gan.
ir habt miner moter willen gar getan.
want si sihet inch gerne durch di swester min.
vroun Criemhilden ir solt ir willechomen sin.

Gifelher si brahte da er di vrowen vant.
di boten sach si gerne von der Hivnen lant.
si groztes minnechliche durch ir tugende mot.
do sagten ir div märe di boten hoffsh vnde got.

Ja enbiotet in min vrowe so sprach Swemmelin.
dienest vnde triuwe mohte daz gesin.
daz si inch dicke sähe ir solt gelouben daz.
so wär in der werlde mit deheinen vreden baz.

Do sprach div chveneginne des enmach niht gesin.
swie gerne ich dicke sähe di lieben tohter min.
so ist mir leider ee verre des edeln chveneges wip.
nu si immer sälich ir vnd Eceln lip.

Ir solt mich lazen wizen e' irz geromet hie.
wenne ir wider wellet ine gesach so gerne nie.
boten in langen ziten denne ich inch han gesähen.
di chnappen ir do lopten daz si daz liesen gesehehen.

Zen herbergen foren di von Hivnen lant.
do het der kvenech riche nach frivnden sin gesant.
Gventher der edele vragte sine man.
wi in div rede geviele vil maniger do sprechen began.

Daz er wol mochte riten in Eceln lant.
daz rieten im di besten di er da vnder vant.
ane Hagen eine dem was ez grimme leit.
er sprach zem kvenige tougen ir habt in selben wider seit.

No ist iu doch gewizen waz wir haben getan.
wir muogen immer forge zu Eriemhilde han.
wand ich floch ze tode ir man mit miner hant.
wie getorste wir riten in daz Eecln lant.

Do sprach der knech riche min swester lie den zorn.
mit chuffe minnecliche si hat uf vns ver chorn.
daz wir ir ie getaten e' si von hinnen reit.
ezen si et Hagen danne iu einem wider seit.

No lat iuch niht betragen sprach Hagene swes si iehen.
di boten von den Hivnen welt ir Eriemhilde sehen.
ir muogt da verliesen di ere vnt ooch den lip.
ia ist vil lanch räche des knech Eecln wip.

Do sprach zu dem rate der forste Gernot.
sit ir von schulden fuerchtet da den tot.
in Hivniffchen richen solde wir; dar umbe lan.
wir ensehen vnser swester daz wäre vil ubele getan.

Do sprach der fuerste Giselher zu dem degene.
sit ir iuch schuldech wizet frivnt Hagene.
so solt ir hi beliben vnt iuch wol bewarn.
vnt lazet diu getwerren zu miner swester mit vns varn.

Do begonde zuernen von Tronege der degene.
ine wil daz ir iemen fuerchtet uf den wegen.
der getverre riten mit iu ee hove baz.
sit ir niht welt erwinden ich sol iu wol erzeigen daz.

Do sprach der cuchen meister Rymolt der degene.
der vrenden vnt der chunden mohtet ir wol heizen pflegen.
nach iuwer selbes willen wand ir habet vollen rat.
ich wäne niht daz Hagene iuch noch ver gifelt hat.

Welt ir niht volgen Hagene ir rätet Romolt.
wand ich ir bin mit triuwen vil dienstlichen holt.
daz ir solt hi beliben durch den willen min.
vnde lat den kvenech Ecel dort bi Eriemhilde sin.

Wi chonde ir in der werlde immer sanfter wesen.
ir muogt vor iuvern sünden harte wol genesen.
ir solt mit goten chleidern zieren wol den lip.
trinchet win den besten vnt minnet wätlich ir wip.

Dar zu git man ir spise di besten di e' gewan.
in der werlt kvenech deheiner ob des niht moecht ergan.
ir soldet noh beliben durch iwer schöne wip.
e' ir so chintliche soldet wagen den lip.

Des rat ich beliben rich sint iwer lant.
man mach ir daz erlösen hie heime diu pfant.
danne da cen Hynnen wer weiz wie ir da gestat.
ir solt beliben herren daz ist der Romoldes rat.

Wir wellen niht beliben sprach do Gernot.
sit daz vns min swester so minnechlich enbot.
vnt Ecel der riche zu ir solde wir daz lan.
der dar niht gerne wolle der mach hi heime bestan.*

No lat ir vnbilden. sprach do Hagene niht.
mine rede darvmb. swie halt ir geschicht.
ich rat ir an den triuwen. welt ir irch wol bewarn.
so solt ir zu den Hynnen. vil gewärlliche varn.

Sit ir niht welt erwinden. so besendet iwer man.
die besten die ir vinden. oder inder muogt han.
so wel ich vor in allen. tosent ritter got.
sone chan vns niht gewerren. der argen Eriemhilde muot.

Des wil ich gerne volgen. sprach der kunic zehant.
do hiez er boten riten. witen in sin lant.
do brahte man der helde. driu tofsint vnt mer.
si wanden niht erwerben. also gremelichiu ser.

Si riten willechliche. in Gunthers lant.
man hiez in gebn allen. rosse vnt oveh gewant.
die mit in varn wolden. zwo den hynen dan.
der kunic in gotem willen. der vil manigen gewan.

Do hiez von Tronege Hagene. Danchwart den brooder sin.
ir beider rechen sehlich. bringen an den Rin.
die chomen ritterliche. harnasch vnt gewant.
des brahten vil der degene. in das Gunthers lant.

Do chom der herre Volker. ein kvene spileman.
hinze hove nach eren. mit drizzech siner man.
die heten solch gewate. ez moht ein kunic tragen.
das er zen hynin wolde. das hiez er dem chonige sagen.

Wer der Volker ware. das wil ich wizen lan.
er was ein edel herre. im was oveh vnder tan.
vil der gvoten rechen. in Burgonden lant.
durch das er videln kunde. was er der spileman genant.

Tofent welt Hagene. die hete er wol bechant.
vnt was instarchen stvermen. hete gefrvemt ir hant.
vnt swaz si ie begiengen. des het er vil gesehn.
in chynde oveh anders niemen. niwan frvemecheite iehn.

Die boten von den hynen. vil sere da verdros.
wande ir vorht zir herren. div was harte gros.
si gerten tageliche. vrloubes von dan.
des engunde niht Hagene. das was dvrrch liste getan.

Er sprach zu sine herren. wir soln das wol bewarn.
das wir si iht lazen riten. e' das wir selbe varn.
dar nach intagen sibenen. wider in ir lant.
treit uns iemen argen mvot. das wirt uns deste baz bechant.

Sone chan och sich vrov Chriemhilt. bereiten niht dar zu.
das uns durch ir räte. iemen schaden tuo.
hat aber si den willen. ez mag ir leide ergan.
wande wir fueren hinne. manigen v; erwelten man.

Sätel vnt schilde. vnt ander ir gewant.
das si fueren solden. in Ezelen lant.
das was nu gar bereitet. vil manigem chvnen man.
die Ezelen videläre. hiez man do ze hove gan.

Do si die forsten sahen. do sprach Gernot.
der chvnic wil nu leisten. das Ezel uns endot.
wir wellen chomen gerne. zu siner hochgesit.
vnt sehn vnser swester. das ir des ane ziviel sit.

Do sprach der kunic Gvnther. ir solt uns wizen lan.
wenne si die hochgesit. zen Hunen wellen han.
des antwrtem kvnige. der bote Swämmelin.
ze nächten svnenwenden. so sol si sicherlichen sin.

Der chvnic in erlobte. des was noch niht gesehn.
ob si gerne wolden. Prvnhilde sehn.
das si for si solden. mit sine willen gan.
das vnderstont do Volker. das was ir liebe getan.

Dan ist so sprach Volker. ein edel ritter gvot.
Prvnhilt min frowe. nu niht wol gemvot.
bitet vnse morgen. so lät mans ouch sehn.
do si sie wanden schowen. done chvndes niht geschehen.

Do hiez der chonic riche. der was den boten holt.
durch fines hercen togende. tragen dar sin golt.
vf den breiten schilden. des er vil mohte han.
ouch wart in richiw gabe. von sinen friunden getan.

Gernot vnt Giselher. Gere vnt Oertwin.
daz ouch si milte wären. daz wart da vil wol schin.
also riche gabe. si sie boten an.
daz si ir vor ir herren. deheine torsten enpfan.

Do sprach zo dem chunige. der bote Wärbelin.
her chonic lat iwer gabe. in iwerem lande sin.
wir muogen ir niht geforen. min herre ez vns verbot.
daz wir iht gabe enpfingen. ouch ist es decheinerslahte not.

Des wart der chonic here. sere vngemvot.
daz si versprechen wolden. so riches koniges gvot.
doch muosten si enpfahen. sin golt vnt sin gewant.
daz si mit in brahten. sit in Ezelen lant.

Si wolden sehen Uten. e' daz si schieden dan.
Giselher der snelle. braht die spileman.
zehove for sine muoter. diu frowe enbot do dan.
swaz si eren hete. daz wäre ir liebe getan.

Do hiez diu kuniginne. ir porten unt ir golt.
gebu durch Chriemhilde. wan der was si holt.
vnt durch den kuncz Ezelen. den selben spileman.
si mohtenz wol enpfahen. ez was mit triwen getan.

Urloop genomen heten. von wibe vnt von man.
die boten Chriemhilde. mit freuden si do dan.
svorn vnz in Swaben. dar hiez si Gernot.
sine lote leiten. daz ez in niemen missebot.

Do sich die von in schieden. die ir solden pflegn.
div Ezelen herschaft. si vridet ovf allen wegn.
des ennam in niemen. ir ros noch ir gewant.
si begonden vaste gahen. wider inder Hünen lant.

Swa si ir frivnde iht wisten. daz taten si den chont.
daz die Burgonden. invil chorcec stont.
zetal von Kine fverren. inder Hünen lant.
dem bisschofe Pilgerine. div märe wrden och bechant.


Da si fver Bechelaren di straze nider ritten.
man saget ez Kvedger daz enwart niht ver mitten.
vnde Gotelinde dez margraven wip.
daz si si sehen solde dez wart vil vrölich ir lip.

Gahen mit den mären sah man di spilman.
Eceln si fonden in der stat ze Gran.
dienest vber dienest der man im vil en bot.
sageten si dem kwenige vor liebe wart er frevden rot.

Do div chveneginne div märe reht ervant.
daz ir broder solden chomen in daz lant.
do was ir wol ze mote si lonte den spileman.
mit vil grozer gabe daz was ir ere getan.

Si sprach nu sagt beide Wärbel vnt Swemmelin.
welhe mine mage cer hohzit wellen sin.
der besten di wir ladeten her in dise lant.
nu sagt was redete Hagene do er div märe bevant.

Er sprach der chom cer sprache an einem morgen frv.
lvecel guter sprveche redet er der zv.
do si di reise lobten her in Hivnen lant.
daz was dem grimmen Hagene gar cem tode genant.



Ez choment iwer broder di chvenige alle dri.
in herlichem mvote swer mer da mite si.
der märe ich endechlichen wizen nine chan.
ez lobt mit in riten Volker der chvene spileman.

Des en bär ich harte lihte sprach des koeneges wip.
deich immer sähe den Volkeres lip.
Hagenen bin ich wäge der ist ein helt vil got.
daz wir in sähen mvosen des stat mir hohe der mot.

Do gie div chveneginne da si den kvenech sach.
wi rehte minnechliche Criemhilt do sprach.
wi gevalent iw div märe lieber herre min.
des ie min wille gerte daz sol nw ver endet sin.

Din wille deist min vrevde sprach der kuenich do.
ine wart min selbes mage ni so rehte vro.
ob si iemer chomen solden her in miniv lant.
durch liebe diner frivnde so ist min forge ver swant.

Des chveneges ammetliote di hiezen veber al.
mit gesidele rihten palas vnt sal.
gegen den lieben gesten di in da solden chomen.
sit wart von in dem chvenege vil michel weinen benomen.

